



03631

適齋居士集卷第三

長白

覺羅舒敏

石

秋笳吟下

桂華曲

桂華初名春紅長安名妓也某將軍以千金購去蘊藉纏綿備極寵愛未幾將軍歿又歸護軍德楞額德老且貧桂華因製惜花吟以自悼余聞而感焉賦詩紀之

適齋居士集三

一

長安自古多佳麗綠楊門巷青驄繫劉家有女字春紅管領春風花並蒂六朝金粉不知愁桃葉桃根狎碧流明珠爲攢百寶髻千絲雲段錦纏頭妝成燕燕鶯鶯妒霓裳愛結周郎顧將軍情重比黃金鳳枕鴛衾春小住殢人春色可憐宵一派笙歌絳燭燒甲帳連綿三十里香車寶馬護妖嬈芙蓉帳暖人如玉秋月春花映肉海上原無肅沓膠將軍一去蛾眉促桃花暈頰柳圍腰花枝柳絮任風飄劉阮不知何處所天

台路隔夢迢迢紅顏白髮偏成偶可憐削玉纖
纖手不爲金釵露指尖拋卻笙歌親并白自恨
生爲薄命人幾度仙源誤問津夢裏分明巫峽
雨醒來不見玉樓春回看甲第連雲起旗纛飄
零散羅綺秋階夜雨泣梧桐翠帷無復薰蘭芷
嗟余淪落亦天涯怕聽年年塞上笳搵盡青衫
無限淚傷心不忍聽琵琶

塞上雜感

記得兒時未解愁常思百萬擁貔貅壯心漸逐
春冰化綺歲驚同逝水流投筆龍沙誰買賦荷
戈雁塞未封侯丈夫裘敝羞彈鋏失路隨人喚
馬牛

春暮同舒春林王碧山及家弟懷堂遊

樸園五首

秧鍼纔綠水初翻犬吠行人出短垣未識樸園
何處是杏花姪姹認前村
袷衣初試嫩寒侵挈伴沙隄緩步吟最是詩情
消不得澹煙一抹綠槐陰

泥牆茅舍燕斜飛籬外青青豆麥肥一陣香風
吹不散打頭花瓣落征衣

居然碧水跨山橋花到名園別樣嬌漫道武陵
能避世仙源只隔一城遙

俛寒春水不生瀾酒政詩評盡日歡何似與君
歸故里扁舟一葉共垂竿

四月一日敬聞 恩放哈青錢三仔出

獄喜而賦此

流星驛騎逐風馳夜半烏啼肆赦時

適齋居二集三

三

聖德廣周千萬里

天恩憐放兩孤兒

時哈青年五歲
錢三仔年六歲

夢多歸去原

非幻人到歡時卻轉疑遙想合家齊祝處

十行應更布條支

初夏與烏蘭亭元戎德樂齋協領舒春

林大尹黃再莘別駕陳靜涵孝廉秦

翮桐布衣暨家兄夢亭沁香舍弟懷

堂再遊樸園五首

羣公詩酒致翩翩半是南華小謫仙花下飛觴

人半醉鶯聲叫破夕陽天

井蛙螳臂舊戎羌此地由來百戰場今日片帆
迷遠岸居然畫本落瀟湘

笑倚闌干百卉開一花一覆掌中杯桃花零落
無尋處前度看花人又來

夏木陰陰水滿池纍纍杏子壓新枝餞春記得
無多日苻帶荷錢又一時

馬嘶金勒記前遊席地花陰翠幄稠他日鄉園
歸去好笠簷蓑袂話扁舟

適齋居二集三

四

寓齋牡丹放東春林再莘

百寶闌前錦作叢春光合占蕊珠宮可憐冰雪
天山外孤負楊妃一捻紅

我愧元輿花下賦君吟太白醉中詩便應攜酒
來相賞好及濃妝未卸時

次再莘夜話韻

寂寞在邊城穹廬望欲平酬詩忘五夜酌酒話
三生坐久鐘偏急更深月倍明羈人常不寐喔
喔曉雞鳴

四月望日艾協領仁布自京回伊得家
書敬詢 家慈近況

昔別牽衣鬢已絲慈顏豐瘠我心知屬兒莫滴
思親淚正是長安痛哭時

次和繡田宮贊書移居韻二首

觥船一棹夜厭厭莫恨邊城歲月淹菊種籬東
先覺澹柳遮窗北不知炎相逢馬首多生角試
拔鯨牙少露尖我尚飄零無住著康成書帶草
纖纖

適齋居士集三

五

詹尹何須另卜居著龜原不費躊躇小畦花事
隨開落靜院雲心任卷舒鎮日摩挲惟劍佩一
生瀟灑是琴書陽春白雪愁難和珍重高軒識
面初

早起

月落槐陰曙氣清簷前雀噪報新晴宵來又作
還鄉夢耳畔依稀笑語聲

虞美人花四絕

春光如畫雨如絲砌下池邊三兩枝底事低頭

愁不解重瞳瞑目已多時
飽將珠淚灑羅衣舞袖翩翩是也非寄語多情
莫惆悵漢家宮殿付斜暉
紅顏薄命委輕塵青冢琵琶恨共新塞北江東
花並草原來俱是怨春人
披風含露一團團人影衣香欲見難記得綠窗
同醉後嬌紅嫩白滿欄杆

春林寓齋偶成

蒼茗消長晝遙看暮靄平野花經雨活落日覺
涼生窺幔溼螢入舞階馴鶴迎小橋歸路近流
水聽琤琤

夢醒驟雨旋晴

五更眠不得倏忽月光殘秋雨撓歸夢西風湊
曉寒橫窗花影瘦觸耳漏聲酸無限羈人恨羞
將劍鋏彈

己未秋七月蒙

恩賜還恭紀二首兼

示春林再莘

月痕橫處大刀環絕塞人同化鶴還萬里戈矛

橫雪積一天風雨亂雲山敢云前席朝

金闕幸得連鑣入玉關最是客心歡喜處綵衣
計日舞斑斕

蘧蘧一枕醒邯鄲炊熟黃梁日未殘感極仍垂
襟上淚歡深疑向夢中看陰山雪老畱鴻爪獵
火煙濃上馬鞦臨別勸君休悵望

聖恩敷處海天寬

秋日畱別塞上諸友

一抹秋林淡夕暉天涯臨別更依依哀鴻奮起

適齋居士集三

七

蕭關闊獵馬驕嘶漢苑肥蘇武羝羊悲已老陶
潛松菊悟前非流沙多少功名客半憶耕桑半
釣磯

執戟同爲塞上游烏啼霜落幾經秋歌傳擊筑
悲燕市交到彈冠半楚囚愧我從戎輸絳灌羨
君拈韻壓錢劉五湖煙水今何似一棹鷓夷不
繫舟

極目關河把袂寒戰場人去路漫漫咽風畫角
鳴駝警碾日平沙俊鷗盤酒愛逡巡消客苦詩

多感慨寄愁難世途那及漁舟穩歷盡風波是
一官

龍堆雁磧陣雲高百萬兜鍪百鍊刀鼓歇城頭
吹篳篥杯傳馬上醉葡萄窮邊客去同遼鶴絕
塞詩成半楚騷他日長安重握手與君風雨擘
霜螯

秋日歸興

秋水清如許秋山澹若何天寒鴉浴少日暮雁
程多佛國優婆塞軍聲曳落河寄言張仲武劍

氣已銷磨

奉酬春林贈別八首

王孫芳草憶年年立馬天山落照邊萬里關河
分手恨九秋風雨對牀眠芙蓉小院真如夢春林

贈別有小院芙蓉人似夢之句貝葉名經近學禪玉笛吹殘休
悵望灞橋桺色已娟娟

秋風秋雨貳師城帽影鞭絲第一程交到忘年

慚陸贄春林長余人當遠別憶張鏗詩成古驛

梅花發夢入霜岑月色明蜀隴風煙今已息戍

樓嘹唳雁歸聲

嗚嗚曉角雜征鼙
匝市平沙放馬蹏
漢壘風迴鴉陣急
胡天月透雁行低
亂雲人去紅山北
荒磧冰堅黑水西
暫別明年又相見
黃金臺畔聽鶯嘯

露冷蒹葭水一湄
誰言分袂醉中宜

余昔擬送春林北旋

詩有思量分袂醉中宜之句

漫空冰雪黃花句

春林去冬和余菊花詩

絕代風華紅豆詞

紅豆詩家兄仲山首唱同人

擅場渡口斜陽人影亂
天涯並轡素心癡

余到伊江時植

適齋居士集三

九

柳繞舍去春柔條拂水翠色含煙因賦小詩以贈春林有他年策蹇西湖路卻話天涯並轡時

之句河梁自古傷離別
記取今朝折柳時

寒山澹沱水澄空
車過霜林夾岸紅
詩興多因懷故國
離情強半付秋風
夢真轉眼同蕉鹿
得失循環信塞翁
月窟星源回首處
雕盤雪嶺戍煙中

晨笳暮鼓陣雲昏
三載征衫半酒痕
燕趙客無兒女態
戎羌地有別離魂
貂裘久敝輸金峽

赤

峽在玉門

晨笳暮鼓陣雲昏
三載征衫半酒痕
燕趙客無兒女態
戎羌地有別離魂
貂裘久敝輸金峽

赤

峽在玉門

赤

鳳詔先頒入玉門，鄉樹漸多知己少。更誰十日醉平原。

雞聲喔喔五更頭，重整征輦鐵勒秋。帳側談經緣未了，余與春林講習久而忘倦堂前有母意難留。事惟過後皆成幻，心到歸時又引愁。木落伊江煙水闊，

憐君詩句共誰酬。

驪歌唱罷已斜曛，握手郵亭未忍分。駝背霜濃連幕捲，散聲風緊隔江聞。客懷自是濃於酒，世路由來幻似雲。珍重吳鉤持贈意，相期湖海狎

鷗羣

題再莘詩稿卽以誌別

黃公磊落嶽崎質，更兼叱咤風雲筆。閩中十子有詩名，好句如珠穿一一。白頭牢落投遐荒，患難相逢交味長。詩成精意入溟滓，酒酣奇氣來

軒昂。自言親老謀升斗，麻衣翻惹雌黃口。再莘告歸

終養以喪事構訟獲譴地坼天崩風雨昏，匪兇匪虎倉皇

走荷戈。潦倒天山路，鴉噪夕陽迷。古渡劍光如水，逼人寒壯士。秋風泣孤戍，慷慨悲歌響遏雲。

姑病目董虔禱以舌餽之目昏復明人以爲貞孝格天
年八十餘卒萬厯閒巡按葉永盛題旌謝志

程尙妻盧氏子婦吳氏樂平人尙卒盧守節撫遺腹子

子病瘡娶吳氏三年而卒姑婦相依守節謝志

洪氏名伯玉樂平人禹州知州洪世弼女許聘同邑孫

振宗未歸振宗病求洪面訣曰吾無望矣洪慟哭誓無

他志年六十七忽展拜振宗墓曰今死孫郎墓得所矣

遂卒萬厯閒邑令金忠士具聞旌之同邑盛善妻程氏

亦未婚守志年八十卒又振宗繼母汪氏早寡守節年

八十五卒謝志

胡士達妻鄒氏樂平人年十九夫亡姑病刲股以進兄

江西通志卷百七十五

列女
饒州府

器

弟以其無子欲嫁之鄒自殺萬厯閒推官張高第申請

旌表謝志

朱可進妻楊氏樂平人夫亡割耳納棺中與木主同寢

食五十餘年完節而終謝志

朱光庭妻程氏名玉榮樂平人舉人之祐女早寡守節

四十餘年嘗割股以救姑疾謝志

曹貴四女浮梁人其父爲都長都人將從盜爲亂謀於

其家女密諫止其父夜分都人劫其家殺其父女聞墜

樓而死眾驚歎爲葬於寢地謝志

北鄉孝女浮梁人年十二隨其父鋤麥於田有虎銜其

父去女號慟走援虎尾曳至山麓舍父而嚙女棄之去

筆端猶掃千人軍仰天長嘯虹霓出閭闔高高
迴不聞榕城數載悲陳跡榆塞三年滯遷客幸
得生還入玉關與君此別卻堪惜新詩一帙贈
歸輦握手臨歧淚共彈世路崎嶇那足道勸君
努力惟加餐

啟程前一日題紅蓼山房壁

醉臥枕刀環人從絕域還日蒸林結火

伊麗深山皆干

年木歲久自焚

風暴土成山客路皆詩境征衫盡酒斑

莫提當日事歸去一身閒

適齋居士集三

十一

畱別元丹弼元戎

鶯嬌桺媚正酣歌忽唱刀鐮喚奈何自古長沙
遷賈誼於今全趙憶廉頗山圍瀚海雕盤急路
入胡天客夢多屈指少年詩酒伴長安冠蓋盡
鳴珂

竝馬曾遊綠綺園歌場酒國度晨昏吹殘玉笛
春風暖醉倒金樽夜雨翻山水盡含離別意弓
刀賸有雪霜痕莫言衰老歸期杳定遠終當入

玉門

秋日過輪臺陳月溪邀余兄弟暨錢蓮
池呂振亭魯菊坪王恕堂遊智珠山
三首

世事浮雲去何妨秉燭遊三年人出塞萬里客
登樓秋老鶯花寂時平蟹稻收耕桑良亦得投
筆笑封侯

半是飄零客相逢患難中碁評成敗局茗話別
離哀落日明孤鶩鄉心逐亂鴻亭臺高下處丹
染一林楓

適齋居士集三

三

塔影勢峩憑欄倚碧霄齊肩摩日月放眼走
波濤對酒人千里挑燈話一宵相親應有日莫
恨路迢迢

夜至苦水終夕不寐引燈題壁二首

爭傳日影近長安猶自孤吟到夜闌非是客懷
偏瑁操歸心那管路途難

天涯雨雪壓征衣十載邯鄲夢已非窗外西風
寒徹骨殘燈破榻悟禪機

闕題

玉門關外住經年書劍飄零萬里天月滿戍樓
涼似水雲遮關樹澹於煙離鄉自古悲張儉去
國何人惜仲宣我是終童棄繻客歸裝檢點賸
青氈

道中曉起憶春林再葺

一片寒笳動羣鳥徹夜啼燈殘雙澗北夢入五
涼西高磧星芒大平灘月影低幾番回首望嶺
樹曉煙迷

登天山絕頂三首

適齋居士集三

十三

從古天山入畫圖迷離遙望海城孤青霞日撼
扶桑樹紫電光流玉女壺萬斛泉飛喧羯鼓千
尋松老攫驪珠將軍三箭功成後閣上麒麟尚
有無

直逼重霄路屈蟠身登絕頂塞雲寒味知甜處
曾經苦境過危時總覺安雪海千年人跡少冰
梯萬仞馬行難天門咫尺真無礙不必巫咸下
界看

當年章亥幾經過迂直方斜竟若何遺壘曾屯

唐士馬

唐貞觀中將軍姜行本等破高昌部於南山口有碑封以磚開則風雪立至山

陰則古戰場也

殘碑猶識漢山河

漢永和嶽煌太守裴岑誅呼衍王壽於

巴里坤有碑新出地中字畫完好

捫參劍佩雙龍合逐日風雲

八駿多歸去料應誇博望不勞槎影泛銀波

孤峯在寅二可開
離云不問自來香

適齋居士集三

十四

適齋居士集卷第三

金陵柏在中仿
宋本字畫錄刊

適齋居士集卷第四

長白 覺羅舒敏 石舫

課花軒遺草

何處難忘酒四首

何處難忘酒鶯嬌柳媚時
蒔花循舊課覆局譜
新棋雨嫩苔痕綠
風暄鳥語遲
傾囊謀痛飲
頗覺此情怡

何處難忘酒三杯
度小年簾紋平似水
紗影碧於煙
午夢清無蝶
新詩和有蟬
晚涼攜杖去沙

觜問漁船

適齋居士集四

何處難忘酒蕭蕭雨意微
翦裁新綻菊檢點舊
穿衣月落螢潛度
霜高雁正飛
擎杯邀素侶
剛是蟹初肥

何處難忘酒啁啾翠鳥來
山橋因雪斷硯匣爲
詩開策蹇探梅去
拏舟放鶴回
圍爐畱宿火
不忍棄殘灰

偶興寄懷舒春林

莽莽吾生詎有涯
漫將齊物證南華
一聲破睡

聞來雁萬點翻空數去鴉酒熟鄉園傾白角詞
工邊塞譜紅牙此時定亦遙相憶毳帳風寒雪
作些

讀書述志

七歲就外傳諄諄授我書長跪前致辭讀書將
何如外傳爲我語書中妙用殊持此取巍科立
致青紫紆再拜謹受教三載無敢渝竊窺古典
冊聖賢同一趨所言皆性命味淡理則腴衷考
其生平言行若合符迫而爲功名乃出其緒餘

道齋居士集四

二

舍本逐其末作計毋乃疏根柢未能立枝葉何
由敷初步入歧路終難達通衢始知流俗說古
人未可誣長跪白外傳敬敢質區區外傳大訶
責童子言何迂讀書博一第不失爲通儒埋頭
蠹簡中老死無令譽一人獨矯異坐使譏狂愚
再拜奉身退此惑難遽除覆檢所讀書前疑頓
豁如微言固未絕六經任菑畬百氏闢榛莽一
心爲耰鋤所志在力行豈徒以自娛懷此向誰
語甚矣吾學孤

哭外舅健威將軍劍峰公諱哈當阿

欲挽騎箕竟莫畱雲旗風馬倏全收海天仁澤

敷羣島公鎮臺灣羣蠻畏服節鉞威名統列侯節制水師諸鎮勳

業久知圖畫閣歸心祇擬辦漁舟誰知轉瞬成

千古一棹煙霞不自由

森森畫戟晝凝霜大羽凋弓掩曲廊紅淚拋珠

餘弱息公卒惟女六人長歸余餘俱弱小白頭舞綵戀高堂公年

五十七公母丁太夫人已七十餘康健如昔榕城惜別言猶在余在泉州

與公分袂叮嚀後會今雖重晤倏已十年矣蒿里興歌恨共長輸與

適齋居士集四 三

海南千萬戶軍民搶地哭甘棠

呵壁荒唐欲問天一回凝想一潸然歡場歌舞

華胥夢宦海風濤摩詰禪北府至今三宿戀余時

借寓公家西州此去再生緣雀屏射後唬鶻起說到

蚶江萬恨牽

再寄舒春林

琴樽風月舊生涯幾度伊州歎歲華萬里音書

空附鶴五更鼓角亂唬鴉冰霜獨處憐蘇武山

水知音感伯牙莫怨玉門春不到好憑羌笛問

梅花

寄懷伊江舍旁桺竝東春林

手植垂垂樹春來綠幾枝非關相憶苦再見恐無期

主人雖遠別佳客時相過畱取繫漁舟和煙溪畔臥

眉修善顰蹙腰細鬪娉婷想到君歸後何人眼復青

廣濟寺和壁閒韻

寺在西直門內

適齋居士集四

四

此日齋鐘悟夙因羣公不厭往來頻

是日同游者為鍾氏

伯仲及家兄夢亭沁香

名花入手何妨笑好句籠紗莫問

人原唱模糊不甚可辨

幾頁貝經清梵唄三間竹屋淨心

塵一從雪窖歸來後古寺梅開又餞春

苦雨歎

黑雲沈沈壓老屋淫雨絲絲斷復續乖龍揮灑意方酣金烏匿影銀蟾哭東家牆倒連西家居然里巷通橫斜雕梁屢摘連珠菌沈竈新添兩部蛙濛濛日坐水雲裏仿佛扁舟泊揚子餘生

方擬辦漁竿城市何心忽遇此
嗚烏避溼檐下棲啄盡青苔
常苦饑乘興聊揮乞米帖與君
且復謀晨炊

題舒春林消夏吟後二首

消夏吟春林近作也萬里迢迢郵寄
相示其無聊寡歡已可想見昔在塞
上朝夕過從未嘗一日少離今余歸
里春林之愁苦又何待言更無可與
言者惟日弄筆墨差消永晝耳然筆
益蒼老氣益沈雄一似天雖蹇齋於
其遇而特豐厚於其詩者五夜挑燈
迴環諷讀不覺悄然以思潸然以泣
也安得吾春林天外飛來慰我離索
乎因題二律卻寄

適齋居士集四

五

祁連山色鬱嵯峨西極崑崙更若何
人到流沙驚地縮天圍大夏感秋多
宦情早自閒中冷鄉路時從夢裏過
記得醒園同覓醉劍花錯落發

高歌

孫陽省識舊驂驅惠遠城南竝轡游愛我深情
同管鮑驚人佳句壓錢劉秋風鏡吹岑參曲明
月壺觴庾亮樓夢醒半窗松竹影擁衾數到五
更頭

五君詠

舒春林大尹

大尹長余三十五年爲忘年道義之
交最工於詩五律學少陵而得其神
髓故能極沈鬱頓挫之致七律尚才
調亦復驅馳元白進退蘇黃同處三
年日相唱和獲益良多

道齋居士集四

六

春林我師資年高復德劭力行每相勉清吟更
同調萬象供指揮寸心攝神妙技惟集衆長境
乃成獨造寄我錦囊句屢以見懷諸什愧乏瓊
玖報相思萬重雲隻影自相弔及消夏吟見寄

黃再莘別駕

別駕落落寡合氣味頗同詩亦秀拔

清空絕無凡響

再莘性疎放與世恒多違匣劍時露銜匱鏡宜
韜輝人棄任我取今是知昨非青春坐把卷明
月來窺幃榕城我舊游梓里君行歸泥塗雖蠖
屈破壁終橫飛

元丹弼元戎

元戎曾師事 先大人大人極賞其
神駿嘗謂某等曰他日相遇當以兄
事之後果聚首塞垣情同骨肉至今
魂夢猶想見英風也

適齋居士集四

七

丹弼人中豪先子所激賞自矢能無欺責人嫌
不爽讀書適吾性使酒觀所養嫉惡若嫉仇事
賢若事長慎無櫻怒虎雅可擾馴象直道三代
風干城在吾黨

江佇湖少尹

少尹善弈能以靜制敵弱不勝衣而
精神清健畸人也

佇湖最沈默弈理通乎禪無諍卽三昧所爭惟
一先矯如拏雲龍寂如抱葉蟬殘劫畱半角轉

戰侵肥邊樂此忘遠客因之消小年拈子輒憶
君目斷江南天

陳靜涵孝廉

孝廉爲葯洲中丞公子隨侍來伊因
得訂交工詩詞善畫筆意靈雋楚楚
有致

靜涵晚訂交儻頗可喜志學在千古侍親走

萬里詩追射洪躅詞紹迦陵旨

靜涵爲其年檢
討裔孫曾以迦

陵填詞
圖相贈

偶寫花鳥生妙得丹青理我賞名孝廉

適齋居士集四

八

人羨佳公子日盼高軒來追歡自君始

中丞蒙
恩召

還靜涵已
侍親北上

奴子翟安以菊花數本來獻賦詩獎之

重陽前後無風雨日掩柴扉坐茅宇長嘯空庭

吟興孤繞階落葉自飛舞奚奴忽市菊花來淺

白深黃相閒開昨夜霜痕猶淡泊今宵月色應

徘徊傲骨生成絕似我不隨桃李春風鞞但愁

黃花笑主人酒量詩才無一可此際何人餽甕

頭冷香佳色小齋幽若非汝解供詩料孤負疎

煙涼露秋

絕句四首

半窗月影綠陰稠爲看簾波不上鉤閒話天山
舊遊事擁衾說盡五更籌

杏子衫裁別樣嬌新妝蟬鬢翠雲翹笑拋彩筆
回頭問淡淡儂眉可用描

雙鬟慵整倚闌干竝蒂蓮開竝坐看雪藕冰瓜
涼鎮齒卻嫌竹簟太清寒

弄墨然脂喜夙諳琴牀硯匣每相參嬾誇字擅
適齋居士集四

簪花格獨向晴窗讀二南

驟雨

驟雨驅殘暑蕭騷撼一林三更回遠夢百感簇
秋心不辨樓頭笛如催塞上砧隔窗聽更切涼
意入瑤琴

環碧軒小集

得蟬字

明窗淨几意翛然紙閣筠牀稱午眠滿地濃陰
初過雨半天高極只聞蟬酒中竹葉評來細笛
裏梅花聽處妍話到前遊如夢境投閒宜問祖

師禪

晚景

一天疎雨壓平沙暑退涼生夕照斜
聞說釣磯新水漲藕花香裏問漁杓

秋夜有感因憶塞上諸友

一枕西風入夢涼高低螢火過鄰牆
孤燈無焰人初醒殘月微低漏漸長
世事只知欣得馬路歧誰解惜亡羊
條支多少思歸客聽到秋聲各斷腸

適齋居士集四

十

冬夜槐根老屋獨坐

庭除古槐樹高與青冥連新月散清影
枝葉何娟娟鐘聲雙闕動車馬爭喧闐
誰識寒家屋圍火人未眠

廢園

頽垣一帶露池臺鼠竄蛙喧鳥語哀
水漲斷橋知雨至花繁荒徑透春來
久淹石隙穿新竹半掩林扉澀古苔
撫此清光倍惆悵主人當日費栽培

和輞川集

幼讀王裴輞川倡和詩愛其超雋偶
一吟諷恍如置身邱壑間也萬里生
還藏拙鄉里溪山獨往無與爲歡迴
憶塞上舊遊分韻擘箋遞相酬唱其
樂反不可得然良友雖傷離索而古
人猶可周旋乃進摩詰而和其舊作
聊破岑寂而已非欲追配昔賢也識
者諒之

適齋居士集四

十一

孟城坳

落日孟城口秋風掃禿柳城頭眼界空禪寂破
諸有

華子岡

竹樹送秋聲溪山含暝色獨登華子岡蒼莽望
何極

文杏館

別館栽文杏花開映佛宇山窗一夜風白雨兼

紅雨

斤竹嶺

一徑入寒翠竹根交綠漪山雲羃樵路獨有月
明知

鹿柴

山深木葉脫日暮聞樵響不見行人來獨立看
雲上

木蘭柴

溪雲導我游溪鳥呼爲侶攜酒及花時尋詩造
竹所

適齋居士集四

十一

茱萸泚

紅意通林外祇疑花欲開滿囊多採摘畱伴菊
花杯

宮槐陌

故宮餘老槐柯節封蒼苔古陌濃陰合還疑翠
輦來

臨湖亭

湖面平如鏡扁舟一葉來香風荷萬柄都向小
亭開

南垞

南垞有漁父招邀不我卽此是龐公流遁迹無
人識

鼓湖

春來新水綠解凍藉東君負手鼓湖路山山空
暮雲

柗浪

柗影含春浪亭亭漾碧漪一聲鶯破曉殘夢隔
迷離

適齋居二集四

三

園家瀨

湍急瀨聲喧沙澄溪影瀉長魚撥刺鳴隔岸層
初下

金屑泉

泉光散金屑小飲壽年歲毛髓一朝新驟鸞謁
羣帝

白石灘

俯臨白石灘寒綠不盈把萍澀水羅羅鷺窺荒

嶼下

北垞

別業敬湖北長廊曲曲欄幾重芳樹裏樓閣倚
雲端

竹里館

深青通竹里高館恣吟嘯心地湛虛明孤光坐
相照

辛夷塢

深塢信風來辛夷吐芳萼但覺春事幽閒看花
開落

適齋居士集四

十四

漆園

遠慕漆園叟逍遙遠塵務心恬夢亦清一枕敲
秋樹

椒園

丹椒綴珠顆芳烈最宜人錯認拋紅豆相思欲
贈君

宿廣善寺

寺在西
直門外

松林卓午碧生煙暫就僧廬半晌眠山雨欲來
風約住綠陰滿地一聲蟬

送果丈仁布官瀋陽

柳枝初綠草初齊
暢好春風趁馬蹏
衛霍勳名傳薊北
豐岐大業溯遼西
塞帷板屋環雞犬
較獵松山走鹿麋
此去君門非萬里

天書飛下武都泥

偶作示德瑞菴新

百年僅一瞬大千僅一粟
無心計壽夭何暇辨
榮辱有酒且同酌
有書且同讀
三杯君意酣
一編吾事足
花外笛聲歇
竹裏茶香熟
推窗望西山
連娟換秋綠

奉酬春林見懷之作

誰從嶺外寄梅枝
箇裏情懷若箇知
秦地望穿生馬角
漢庭終憶贖蛾眉
雲飛南浦春回早
簾捲西風夢到遲
此日憐君牢落甚
孤燈殘月倍相思

西下輪臺路幾千
感君佳句重纏絲
鵬盤峻嶺霜初重
笳咽孤城月正圓
笑語親時仍是夢

每夢

與春林談心久之知是夢境轉恐其醒至情之感人如此艱難歷盡始歸禪

自從折柳河橋日屈指於今已四年

回憶成園竝轡遊邊花邊草不勝愁亂山雪湧

迷春壘古磧雲癡壓戍樓蕉葉覆殘誰得鹿匏

瓜無匹笑牽牛功名料是才人事敢說煙霞傲

五侯

去秋春林來信云以吾弟之高懷雅況原不以功名為意然古人奉檄而喜良有以也

雨苔煙草夕陽低穠綠新添菊一畦笠屐閒尋

香界

寺名

北鶯花苦憶玉關西營巢自愧同鳩拙

適齋居士集四

十六

入幕人憐類燕棲

庚申大雨屋圮寄居婦家來函云近況何如終日作何消

遣因瑣及之

何日都門重握手傾杯拚得醉如泥

適齋居士集卷第四

適齋居士集卷第四

金陵柏在中仿宋本字畫錄刊

恩生不逢辰遭家多難甫七月而

先君子見背十七年來青燈課讀實仰

慈幃其間艱苦真備嘗之矣一夕

母以此編相授且曰此汝父生平心血所在雖

不足以示人汝其珍弄之恩再拜泣受卷首

先君子舊題曰秋笳吟蓋謫伊江時所作也當

先君子病革時恩在襁褓音容未悉追慕無從

每一念及輒增慟恨顧精靈永戢雖難輸杖履

之誠手澤猶存庶少慰楛棬之慕因念

跋

一

先君子生丁繁盛無貴介習性復醇謹不苟笑
言尤敦孝友家庭之樂有融融焉及遠謫烏孫
惟日與二三知己爲道義交閒及吟詠意恬如
也已未秋蒙

恩賜歸心情更爲曠達夫萬里生還室家團聚
且擬其樂方長孰意歸甫四載而遽然長逝乎
言念及此則遺稿雖存洵不忍再爲展閱矣嗟
乎

先君子存心忠厚而適促其年豈壽夭之預定

耶抑天之不欲壽其身於一時而欲壽其名於
千古耶果爾則爲人子者又何忍以觸目愴懷
而遂令斷簡殘編竟付之雲消煙滅也哉因繕
錄一通藏諸笥篋竝哀集旋里後詩別爲課花
軒遺草一卷附於後俾異日壽之梨棗以俟採
風者擇焉若云顯揚則吾豈敢

嘉慶廿有五年歲在庚辰四月朔

男

崇恩謹識



